

«Население Еревана. Этносоциологические исследования», Ереван, изд-во АН Арм. ССР, 1986, 250 с.

«ՆՐԵԱՆԻ ԲԵՏԿՆՈՐԻՈՆԵՐ: ԷՐԵՈՍՈՑԻՈԼՈԳԻԱԿԱՆ ՈՒՍՈՒՆԱՍԻՐՈՒԹՅՈՒՆՆԵՐ», ՆՐԵԱՆ, ԴՍՍՀ ԳԱ ՌԵԱՏԱԳՐԱԿՆՈՐԻՈՆ, 1986, 250 էջ:

Արգի պայմաններում գիտությունների շերտավորմանը և նորագույն ճյուղերի առաջացմանը դուրսհանալով լինում են հաճախակի պրոցեսներ՝ միջնորդալին ինտեգրացիան, որի շնորհիվ ձևավորվում են գիտության նոր ուղղություններ: Դրանցից է էթնոսոցիոլոգիան: Այն ազգագրության և սոցիոլոգիայի եզրագծերում երևան եկավ շուրջ երկու տասնամյակ առաջ: Նոր ուղղության հետազոտման խնդիրները գտնվում են երկմիասնության կոմպլեքսի մեջ. մի կողմից այն ուսումնասիրում է էթնիկական տարբեր միավորների նույնատիպ սոցիալական խմբերի մշակույթի և կենցաղի, ազգային ինքնագիտակցության, միջանձնային ազգային հարաբերությունների առանձնահատկությունները և այլն, մյուս կողմից՝ բացահայտում սոցիալական պրոցեսների ազգային բազմազանությունը, որը հնարավոր է արդյունավետ կառավարել միայն ազգային առանձնահատկությունների հաշվի առնման պայմաններում: Այլ կերպ ասած, էթնոսոցիոլոգիայի նպատակն է իրար հետ «հունցել» սոցիալականը և ազգայինը՝ սոցիալականը բաժանա՝ սիրել ազգայինի և ազգայինը՝ սոցիալականի մեջ:

Հաշվի առնելով նշված ուղղության ակնհայտ արդիականությունը, երկրի շատ վայրերում սկսած 1960-ական թվականների վերջերից անցկացվեցին էթնոսոցիոլոգիական ուսումնասիրություններ: Նման հետազոտություններ Հայկական ՍՍՀ-ում կատարվեցին 1970-ական թվականների երկրորդ կեսին (Երևան քաղաքում) և 1980-ական թվականների սկզբներին (հանրապետության այլ քաղաքներում և գյուղական վայրերում): Ինֆորմացիայի հավաքման գլխավոր միջոցը «հարցման թերթիկն» էր, որը հնարավորություն տվեց հսկայական նյութ կուտակել: Եվ ինչպես հավաստում է ծրագրի հեղինակ և գրախոսվող գրքի պատասխանատու խմբագիրներից մեկը՝ Յու. Հարությունյանը, ընտրույթի սխալի հավանականությունը տատանվում է $\pm 3\%$ -ի սահմաններում:

Ստացված նյութերով գրվեցին առաջին աշխատությունները՝ նվիրված Երևանի բնակչության ձևավորման աղբյուրներին, երկրեզվության տարածմանը, միջանձնային ազգային հարաբերություններին: Լույս են տեսել նաև առանձին հոդվածներ: Ասվածից ակնհայտ է դառնում, որ էթնոսոցիոլոգիական ուսումնասիրությունների նկատմամբ մեզ մոտ ձևավորվում է որոշակի ճաշակ: Սակայն, այսպես թե այնպես, հրապարակի վրա մինչև վերջերս բացակայում էր նման բնույթի ամբողջական աշխատությունը: Այդ բացը մեծապես լրացնում է գրախոսվող կոլեկտիվ-սենսորությունը, որը խոշոր քաղաքի ուսումնասիրման առաջին փորձն է երկրում: Ըստ էության այստեղ ազգագրությունն ավելի ամբողջական է ներկայացված, քան Միության տարբեր ռեգիոնները հետազոտող աշխատություններում: Դա բնավ չի նշանակում, թե հարցի սոցիոլոգիական կողմը տուժել է: Գրքում «ոչինչ կորսված չէ ազգագրությունից և շատ բան լրացված է սոցիոլոգիայից» (էջ 6): Դա բացատրվում է նրանով, որ հեղինակները պատմասոցիոլոգիական վերլուծության մեթոդները շղարշել են ազգագրական առատ նյութերով՝ ընդսմին պահպանելով պատմականության սկզբունքը: Աշխատության արժանիքի մասին է վկայում նաև այն հանգամանքը, որ ուսումնասիրման է ենթարկվել ազգային տեսակետից միատարր քաղաք (Երևանի բնակչության շուրջ 96%-ը հայեր են), որը նորույթ է երկրի մասշտաբով:

Մենագրությունը բաղկացած է առաջաբանից և 7 բաժիններից: Առաջին երկու բաժիններում հեղինակը (Ռ. Կարապետյան) վերլուծել է Երևանի բնակչության աճի տեմպերը, բացահայտել կրթական մակարդակի, ազգային կազմի, տարիքային կառուցվածքի փոփոխման շարժը և այլ հարցեր: Քննական հետազոտման են ենթարկված քաղաքի բնակչության ձևավորման աղբյուրները, միգրացիոն խմբերի սոցիալ-ժողովրդագրական պարամետրերը, զբաղվածությունը, սոցիալ-մասնագիտական կառուցվածքը: Առանձնակի հետաքրքրություն են ներկայացնում վերաբնակիչների սոցիալական կազմի և ժամանակակից կուլտուր-կենցաղային կյանքի հիմնական գծերի վերլուծությունը, խոշոր քաղաքում դրանց փոփոխման միտումների, ազապատացիայի հետ

կապված հարցերը նկատենք, որ մեր մայրաքաղաքին վերաբերող այս և նման բնույթի այլ խնդիրներ առաջին անգամ են կոնկրետ առարկայական հետազոտման արժանանում:

Գրքի երրորդ բաժինը նվիրված է հոգևոր մշակույթի և մասսայական ինֆորմացիայի միջոցների վերլուծությանը: Նրա հեղինակ Մ. Հակոբյանը բնեւէլ է ինֆորմացիայի հիմնական միջոցների տարածման և բնակչության կողմից հոգևոր արժեքների յուրացման հարցերը՝ կոմպլեքսային ձևով օգտագործելով ինչպես արխիվային, այնպես էլ վիճակագրական և սոցիոլոգիական նյութերը: Ընդ որում, նա հետաքրքրող պրոբլեմները դիտարկել է սոցիալ-մոդելողագրական տեսանկյունից (ըստ սեռատարիքային և սոցիալ-մասնատղիտական պատկանելիության) և հասել բավական սուղագրավ եզրահանգումների:

Հետաքրքրությամբ է ընթերցվում հաջորդ՝ «Ընտանիքի էթնիկական առանձնահատկությունները» բաժինը (հեղինակ՝ Է. Նարապետյան), որն ազդագրության մեջ ընդգրկել է ընտանիքի ուսումնասիրման առաջին փորձերից է հանրապետությունում: Հեղինակը Երևան քաղաքի ընտանիքներին կազմը քննել է միութենական հանրապետությունների մայրաքաղաքների ընդհանուր ֆոնի վրա, վերլուծել ընտանիքների տիպերը, բնակարանային պայմանները (յուրաքանչյուրը բնակչին ընկնող բնակատարածության հաշվով Երևանը մյուս մայրաքաղաքների շարքում գրավում է վերջին տեղերից մեկը), սոցիալ-մասնատղիտական առանձին խմբերի բնակարաններով ապահովվածությունը: աստիճանը և այլն: Հետազոտելով ներքնական կապերի փոխհարաբերությունները (ընտանիքի զլխավորի պրոբլեմը, ամուսինների մասնակցությունը տնային տնտեսության մեջ և այլն), նա եզրակացրել է, որ սոցիալական տարբեր խմբերի ընտանիքներում դրանք միանշանակ չեն:

Ուսումնասիրության հինգերորդ բաժինը վերաբերում է հարսանեկան արարողությունների արդի վիճակին: Հեղինակը (Լ. Վարդանյան) քննել է ժամանակակից ապրիլակերպի քաղաքատարրերից մեկը՝ հարսանեկան ծիսակատարությունները, տեսակավորել հայկական հարսանեկան ավանդական և արդի ձևերը, նշել, որ սերնդափոխության ընթացքում առաջիններն աստիճանաբար կորցնում են իրենց առաջնությունները: Միաժամանակ նա մի շարք փաստարկներով եզրակացնում է, որ հայերի մոտ հարսանեկան արարողության ավանդական եղանակը կապահովի (չնայած շատ դեպքերում ձևականորեն) նաև տեսանելի ապագայում: Ընդհանրապես բաժինն աչքի է ընկնում վերլուծական բազմազանությամբ և առանձին վիճելի հարցերի նկատմամբ ուշադրավ մոտեցմամբ:

Շոշափելի արժեք ունի ոչ ծավալուն, բայց տարողունակ նախավերջին՝ «Ազգային հոգեբանություն» մի քանի գծերը: Բաժինը, որը գրել է Ռ. Օհանյանյանը, նա հաջող փորձ է կատարել վերլուծելու էթնիկական ստերեոտիպերի հետ կապված այնպիսի հարցեր, որոնք կատարում են ազգամիջյան շփումը կանոնավորելու ֆունկցիա: Շարադրանքի կարևորությունը մեծանում է նրանով, որ ազգային հարաբերությունների տեսության մեջ էթնիկական ստերեոտիպերը դեռևս կարևոր են անհրաժեշտ լուսաբանման: Տալով այս կամ այն ազգի նկատմամբ մյուս ազգի ներկայացուցիչների ունեցած պատկերացումները, հեղինակը հույս է հաստատում, որ ազգային հարաբերությունների առավել համակողմանի ուսումնասիրման և ձևերի քաղաքական գործում էթնիկական ստերեոտիպը կարող է դիտական վերլուծության արժեքավոր աղբյուր դառնալ:

Աշխատության եզրափակիչ բաժինը նվիրված է ազատ ժամանակի և դրան առնչվող պրոբլեմների վերլուծությանը (հեղինակ՝ Ա. Հովսեփյան): Շարադրանքում դիտարկվում է դիտատեխնիկական առաջընթացի պայմաններում ազատ ժամանակի բաժնի մեծացման փաստը, նշվում, որ դրա տեմպերն այնքան արագ են աճում, որ հաճախ անհատը հոգեպես և ֆիզիկապես անպատրաստ է լինում տնօրինելու ազատ ժամանակը: Այստեղից էլ հեղինակն առաջ է քաշում ազատ ժամանակի արդյունավետ օգտագործման անհրաժեշտությունը և եղանակները, ընդգծում Երևանի աշխատավորության կողմից դրա տնօրինման տիպերի (ընթերցանություն, հեռուստադիտում, երեխաների դաստիարակություն, կինոհաճախում և այլն) համամասնությունը, ազատ ժամանակի բավարարության մակարդակը, վերջինիս դերն անհատի ներդաշնակ զարգացման գործում: Քննվող հարցերը տեսական և գործնական կարևոր նշանակություն ունեն:

Աշխատության հստակ կառուցվածքը, լակոնիկ լեզուն ու շարադրման ոճը վկայում են հեղինակային կոլեկտիվի և պատասխանատու խմբագիրների զգալի աշխատանքը: Նկատենք, որ Միության մեջ լույս տեսնող նման բնույթի աշխատությունների մեծ մասում կա մի բարեխղճություն շարադրվում է էմպիրիկ ինֆորմացիան (առանց տեսական լայն ընդհանրացման), կամ էլ

եղակի փաստերով հիմնավորվում է «մարտը» տեսությունը: Հեղինակային կոլեկտիվը խուսափել է նաև ծալրահեղություններից:

Գրքում բերված սոցիոլոգիական հարուստ տվյալները «հում» նյութ կարող են հանդիսանալ Հայկական ՍՍՀ արդի ժամանակաշրջանով զբաղվող պատմաբանի համար: Այս տեսակետից ցանկալի է ամբողջ հանրապետության մասշտաբով հետադոտությունների շարունակումը, որը հնարավորություն կտար հարստացնելու Սովետական Հայաստանի պատմությունը և էապես ամբողջացնելու նրա սոցիալ-ժողովրդագրական խճանկարը:

Քննական մոտեցումը նաև խորհելու և մտորումների որոշ առիթներ է տալիս: Այսպես, կուլտուր-կենցուղային կյանքում և ապրելակերպում աղքատի առաջադիմական առանձնահատկությունները պահպանումն է՝ ապրելի բազմազան է դարձնում սովետական ժողովրդի հարուստ մշակույթը: Արևմտյան կարելի է հայտնել, որ շարադրանքում այն բավարար չափով բացահայտված է: Այնքին հարևանում նաև դրքի կառուցվածքում տեղ գտած բացթողումները՝ նպատակահարմար էր առանձին բաժիններ հատկացնել երկրագործությանը և ապրելակերպին՝ վերջինս զետեղելով ուսումնասիրության վերջում: Դրանով աշխատությունն ապրելի ամբողջական տեսք կունենար: Գուրծը շահած կլինեք, եթե ունենար վերջաբան, ուր ամփոփվեին արդյունքները և նշվեին անելիքները: Ավելին, առաջարկն էլ հակիրճ է: Իսկ չէ՞ որ դիրքը հասցեագրվում է ոչ միայն մասնագետներին, այլև ընթերցող լայն շրջաններին, որոնք դրա մասին նախնական կարծիք կարող են կաղմել առաջարկում, և վերջապես՝ Աշխատությունը ծանրաբեռնված է աղյուսակներով, որոնք գուցե անխուսափելի են նման բնույթի հետազոտության համար, սակայն կարծում ենք, որ մասնագետն անգամ կղժղտանա ընկալել որոշ աղյուսակներ և սխեմաներ:

Գրքի վերնագրի բացատրականի («Եթե սոցիոլոգիական ուսումնասիրություններ») հոգնակի ձևը այն տույզությունն է ստեղծում, որ առնչվում ենք ոչ թե կոլեկտիվ մենագրության, այլ հզղվածների ժողովածուի հետ: Համարակալված չեն նաև բովանդակության բաժինները, իսկ ծանոթագրությունները տեղափոխված են ոչ թե աշխատության, այլ համապատասխան բաժինների վերջում, ինչպես սովորաբար ընդունված է հոդվածների ժողովածուների համար: Ծրբեմն էլ հղումներ կատարվում են հնացած հրատարակություններից:

Արանք, անշուշտ, չեն նվազեցնում գրախոսվող աշխատության արժեքը: Հարուստ նյութի բաղմարնույթ վերլուծությունը, քննված պրոբլեմների մշակման յուրահատուկ մեթոդները և հզրահանգումները ուսումնասիրությունը դարձնում են օգտակար և անհրաժեշտ:

ՎԼԱԴԻԿ ՀԱԿՈՐՅԱՆ

Պատմական գիտությունների քննաձու